

miseris quum statuæ frangerentur, imagines
deleterentur, disicerentur arcus, tropheæ ruerent,
tot regum atque gentium spolia diriperentur,
titulis etiam triumphorum e templis atque porticibus
derasis ne qua vestigia antiquitatis immo virtutis & gloriæ
posteris relinquerentur: quas res vbi a sensu oculorum
submouisset, quo nobilitatis nomen prorsus obliteraretur,
Annales romanos igne concremauisset: videlicet ne memoria
tantorum principum in ea vrbe extaret, pro cuius incolumitate
se toties hostibus deuouerint, quam pulcherrimis triumphis
exornarint, quam gentium fecerint imperatrice, quum apud
græcos & barbaras nationes rara virtute rebusque
clarissimis vigerent, haberentur admirationi, ac in exemplum
bonarum artium atque felicitatis identidem citarentur. Credis
Cæsar quod tuis Iulij aut Martij, ad quos tuam referes
originem, quoniam ab ipsis turpiter desciueras, pepercisset:
Erras quidem si tibi persuasisti hominem furibundum fuisse
delectum aliquem habiturum. Ad hæc in nobilitatem odio
maiore fuerat inflammatus, quam non dicam te, sed quemquam
alium diligere potuisset. Is demum crudelissimus tyrannus est
cui facinora, non virtutes aditum ad Tyrannum